

國朝宮史續編

國朝宮史續編卷之七十四

官制三

額數職掌條例

毓慶宮八品首領二均侍監太監十二專司陳設
灑掃及坐更等事首領月銀四兩米四斛公
費制錢七百太監內食月銀三兩米三斛者
一銀二兩五錢米二斛半者二銀二兩米一
斛半者九公費均制錢六百
臣等謹案乾隆六十年乙卯

詔宣

冊立之命

皇上於十一月冬至後由東所移

居毓慶宮嘉慶元年丙辰正月元日

受寶禮成遂以

青宮臨御表正

宸垣於是設立首領太監各項人員以符體制伏

查

宮中則例列於

齋宮之次茲謹移載

倉震門八品首領一侍監太監八專司啟閉關
防灑掃坐更等事並稽查祭神房人等出入
首領月銀四兩半四斛公費制錢七百太監
月銀二兩米一斛半公費制錢六百

遵義門八品首領一副首領一俱侍監太監六
專司啟閉關防灑掃坐更等事首領太監月
食銀米公費皆與

倉震門同副首領月銀三兩米三斛公費制錢

七百

臣等恭查

倉震門

遵義門舊額首領各二嗣各裁為一

遵義門增副首領一太監八嗣裁為六

齋宮八品首領一侍監太監八專司陳設灑掃坐

更等事首領月銀四兩米四斛半公費制錢七

百太監月銀二兩米一斛半公費制錢六百

御花園七品首領一執守侍八品副首領一侍監

太監二十四專司園內

斗壇四神祠等處香燭培澆花樹飼養池魚仙鶴及
陳設灑掃坐更等事首領月銀四兩米四斛
公費制錢一貫副首領月銀三兩米三斛公
費制錢七百太監均月銀二兩米一斛半公
費制錢六百

日等茶查

御花園舊額首領二副首領二俱以侍監為之嗣
改設七品首領一以執守侍為之八品副首

領一以侍監燕之

天穹殿不設首領屬景陽宮首領兼轄太監八
專司香燭灑掃坐更等事太監均月銀二兩
米一斛半公費制錢六百

日等恭查

天穹殿舊額八品首領二副裁

祭神房八品首領一侍監副首領一無品級太
監二十六專司祭

神省牲坐更等事首領月銀四兩米四斛公費制錢

七百

舊額二兩
錢為一

副首領月銀三兩米三斛公

費與首領同太監均月銀二兩米一斛半公
費制錢六百

中正殿首領一無品級太監八專司香燭灑掃
等事首領月銀三兩米三斛公費制錢七百
太監均月銀二兩米一斛半公費制錢六百
英華殿首領一無品級太監四專司香燭灑掃
等事首領月銀三兩米三斛太監均月銀二
兩米一斛半首領太監俱不設公費

欽安殿兼城隍廟八品首領一侍監太監十四
俱充道士專司誦誦經懺焚修香火等事首
領月銀四兩米四斛公費制錢七百太監均
月銀二兩米一斛半公費制錢六百

臣等恭查

欽安殿兼城隍廟舊額首領三太監十二副裁
首領二為一增太監二為十四

壽皇殿兼

永思殿八品首領一侍監副首領一無品級太監十

專司

御容前香燭灑掃坐更等事首領月銀四兩米四斛

公費制錢七百副首領月銀三兩米三斛公

費與首領同

舊額首領一兩
增副首領一兩

太監均月銀二

兩米一斛半公費制錢六百

舊額四兩
增為十兩

雍和宮首領一無品級太監四專司陳設灑掃等事

首領月銀三兩米三斛公費制錢七百

舊額
副首

領一
明裁

太監均月銀二兩米一斛半公費制錢

六百

舊額六兩
裁為四兩

臣等謹案

宮中則例恭列

雍和宮於

壽皇殿之次今遵移載

兆祥所兼遇喜處首領一無品級太監六專司

灑掃等事首領月銀三兩米三斛公費制錢

七百太監均月銀二兩米一斛半公費制錢

六百

舊額十兩
裁為六

打掃處八品首領二俱侍監太監六十專司

各處打掃運水添缸一應雜差坐更等事首

領月銀四兩米四斛公費制錢七百

舊額首領一斛

增為二

太監均月銀二兩米一斛半公費制錢

六百

舊額七十五
嗣裁為六十

熟火處八品首領二俱侍監太監五十專司

各處安設熟火擡運柴炭一應雜差坐更等

事首領均月銀四兩米四斛公費制錢七百

太監均月銀二兩米一斛半公費制錢六百

柴炭處

燒炕處

臣等恭查以上二處舊設首領各二太監各二十五今裁其職事即由打掃處兼司

造辦處八品首領一侍監太監四專司帶領

造辦處外匠造辦一切物件首領月銀三兩

米三斛公費制錢七百舊額首領二斛裁為一太監均

月銀二兩米一斛半公費制錢六百舊額二斛十五斛

裁為四移十五入做鐘處另設

做鐘處八品首領一侍監太監十五所司與

造辦處同首領月銀四兩米四斛公費制錢
七百太監內食月銀二兩五錢米二斛半者
二銀二兩米一斛半者十三公費均制錢六
百

北小花園首領一無品級太監六專司培灌花
樹灑掃等事首領月銀二兩五錢米二斛半
公費制錢七百太監均月銀二兩米一斛半
公費均制錢六百

讀清字漢字蒙古字書房均不設首領屬故事

房首領兼轄清字房太監六漢字房太監十
蒙古字房太監四月銀均二兩米一斛半公
費均制錢六百

皇太后宮六品副總管二俱執事侍八品首領一侍
監太監四十六茶房首領一侍監太監十膳
房首領二俱侍監太監二十樂房首領一侍
監太監六副總管均月銀五兩米五斛公費
制錢一貫一百首領均月銀四兩米四斛公
費制錢七百太監均月銀二兩米一斛半公

費均制錢六百

庄等恭查

皇太后宮舊額首領五嗣裁為一茶房膳房藥房首領三嗣增為四

太妃位下八品首領一侍監太監十首領月銀四兩米四斛公費制錢七百

舊額二嗣裁為一

太監月

銀二兩米一斛半公費制錢六百

太嬪位下首領額同太監八首領太監銀米同

貴人

常在位下不設首領太監各四月銀二兩未一斛
半公費制錢六百

太妃以次位下膳房統設七品首領一執守侍八
品首領二俱侍監太監二十四七品首領月
銀五兩未五斛公費制錢一貫八品首領月
銀四兩未四斛公費制錢七百太監月銀二
兩未一斛半公費制錢六百

太妃以次位下藥房不設首領屬御藥房首領兼
轄太監八月銀二兩未一斛半公費制錢六

百

慈寧宮佛堂首領五副首領二俱無品級首領內充

喇嘛者三太監三十二內充喇嘛者十五學

喇嘛經者四首領均月銀三兩米三斛公費

制錢七百副首領月銀二兩五錢米二斛半

公費同

舊額十兩
裁為七

太監月銀二兩米一斛半

公費制錢六百

舊額五十二兩
裁為三十二

壽康宮八品首領一侍監太監六首領月銀四兩米

四斛公費制錢七百

舊額副首領二無品
級設八品首領一太

監均月銀二兩米一斛半公費制錢六百

寧壽宮七品首領二執守侍八品副首領二侍監太

監五十首領月銀四兩米四斛公費制錢一

貫副首領銀米同公費制錢七百

舊額首領
四均無品

級副設七品首領二八品副
首領二銀米亦按品增給

太監內食月銀

三兩米三斛者四銀二兩五錢米二斛半者

六銀二兩米一斛半者四十公費均制錢六

百

舊額十六兩
增為五十

皇子下八品首領一侍監太監二十五首領月

銀四兩米四斛公費制錢七百太監月銀二

兩米一斛半公費制錢六百

舊額二十斛
增為二十五

公主下首領一無品級太監四首領月銀三兩
米三斛公費制錢七百太監月銀二兩米一
斛半公費制錢六百

皇孫下首領一無品級太監十五首領月銀三
兩米三斛公費制錢七百太監月銀二兩米
一斛半公費制錢六百

皇曾孫下首領一無品級太監二首領月銀三

兩米三斛公費制錢七百太監月銀二兩米
一斛半公費制錢六百

瀛臺兼武成殿八品首領一侍監副首領二無

品級太監二十二專司陳設灑掃坐更等事

首領月銀四兩米四斛公費制錢七百副首

領月銀三兩米三斛公費同

舊額副首領
一制增一太

監月銀二兩米一斛半公費制錢六百

畫舫齋兼蠶壇八品首領一侍監副首領二無
品級太監十四專司陳設灑掃坐更等事首

領副首領太監銀米公費均與瀛臺同

舊本改額

增額

永安寺兼承光殿八品首領一侍監副首領二

無品級太監十專司陳設灑掃坐更等事首

領月銀四兩米四斛公費制錢七百副首領

月銀三兩米三斛公費同

舊額副首領一斛增一

太監

月銀二兩米一斛半公費制錢六百

臣等恭查則例列

瀛臺於

景山之前今遵移載

景山七品總管一執守侍八品首領二侍監總
管月銀五兩米五斛公費制錢一貫首領月
銀四兩米四斛公費制錢七百委署首領太
監無定額首領無品級者月銀三兩米三斛
公費制錢七百太監月銀二兩米一斛半公
費制錢六百其

恩加月銀不為定額有

恩賞品級者即按品級給銀米公費

南府七品總管一執守侍八品首領四侍監
總管月銀五兩米五斛公費制錢一貫首領
月銀四兩米四斛公費制錢七百委署首領
及太監無定額無品級者月銀三兩米三斛
公費制錢七百太監月銀二兩米一斛半公
費制錢六百其

恩加月銀不為定額有

恩賞品級者即按品級給銀米公費

圓明園六品總管一執事侍七品副總管四執

守侍七品首領十俱執守侍八品副首領二
十二俱侍監無品級首領五十一太監五百
三十二總管月銀六兩米六斛公費制錢一
貫一百副總管月銀五兩米五斛公費制錢
一貫首領月銀四兩米四斛公費與副總管
同副首領銀米均與首領同公費制錢七百
無品級首領均月銀三兩米三斛公費與首
領同太監內技勇七十均月銀三兩米四斛
船上月銀三兩米三斛者六月銀二兩五錢

米二斛半者八各處當差月銀二兩五錢米
二斛半者五十月銀二兩米一斛半者三百
九十八公費均制錢六百
舊額四百六名制
定為五百三十二
臣等恭查

圓明園舊額七品總管二副定為四八品首領
十八副定為二十二無品級首領四十二副
定為五十一此內有

恩賞八品首領二

清漪園

靜明園

靜宜園

盤山

暢春園

泉宗廟

聖化寺均係

圓明園總管首領太監等承應差務

避暑山莊係

宮內總管首領太監等承應差務

內務府所屬掌儀司八品首領二侍監副首

領四無品級常行當差太監六十首領月銀

三兩米三斛舊額五斛
裁為二副首領月銀二兩五

錢米二斛半舊額八斛
裁為四太監月銀二兩年米

十六斛舊額一百斛
裁為六十其公費均由

恩賞每月制錢四十分每分制錢六百 司樂副

首領二無品級太監八十專肄中和樂器首

領月銀二兩五錢米二斛半舊額六斛
裁為三太監月

銀二兩米一斛半舊額六十斛
增為八十其公費均由

恩賞每月制錢四十分每分制錢六百

日等恭查掌儀司舊額設有圓清太監六勛

斗太監十四均裁

鑾儀衛首領一無品級太監八首領月銀二

兩五錢米二斛半

舊額副首領四
今改設首領一

太監月銀

二兩年未十六斛

舊額三十
嗣裁為八

均無公費

營造司八品首領一侍監副首領二無品級

太監三十首領月銀三兩米三斛

舊額二
我為一

副首領月銀二兩五錢米二斛半

舊額三
我為二

太監月銀二兩年未十六斛舊額四十斛
裁為三十其

公費均由

恩賞每月制錢十五分每分制錢六百

奉先殿八品首領一侍監副首領一無品級太監十

四首領月銀三兩米三斛舊額二斛
裁為一副首領

月銀二兩五錢米二斛半舊額五斛
裁為一太監月

銀二兩米一斛半舊額二十斛
裁為十四

臣等恭查舊額有

太和殿

中和殿

保和殿

文華殿

武英殿

奉宸苑

尚衣監

武備院

酒醋局首領太監各缺現行則例均裁

南花園首領一無品級太監七首領月銀三兩

米三斛太監月銀二兩年米十六斛

永安寺首領一無品級太監七俱充喇嘛又太
監六習喇嘛經首領月銀三兩米三斛公費
制錢七百太監月銀二兩米一斛半公費制
錢六百

大西天首領一無品級太監九俱充喇嘛首領
月銀三兩米三斛公費制錢七百太監月銀
二兩米一斛半公費制錢六百

簾子庫兼門神庫首領二無品級太監十首

領季銀四兩五錢米九斗太監季銀三兩米

與首領同

前編分載舊額首領各一太監各八兩改首領二太監十兩兼之

臣等謹案前編開載禮部所屬萬善殿番經

廠漢經廠工部所屬

傳心殿首領太監各缺今遵現行則例均裁

太常寺所屬

太廟七品首領一執守侍八品副首領二侍監太監

二十首領季銀九兩米九斛副首領季銀六

兩米四斛

舊額首領一無品級制此數七品者一八品者二

太監銀

米同

陵寢內務府所屬

陵寢地方首領一無品級太監三首領月銀四兩米

四斛

舊額二斛
裁為一

太監月銀二兩米一斛半

舊額

十祠裁
為三

妃園寢不設首領太監屬管

陵首領兼轄

舊額太監
六今裁

臣等恭查以上首領太監等有出缺者由內

務府

奏准行文宮殿監擬寫名單請

旨辦理

國朝宮史續編卷之七十五

書籍

臣等欽惟我

國家文治光昭典章明備

列聖御集敷文成化景鑠萬年中祕所藏冊府所列
非前代天祿石渠嘉則麗正所能媲美

宮史前編立書籍一門列目凡十有六嗣後

聖文美富纂輯刊布增益良多悉依門類以次續編

我

高宗純皇帝典學崇深文思光被羅遺書於海內萃
儒士於

禁中編為

欽定四庫全書珍藏七閣其在

大內者曰

文淵閣又撮其精要為四庫全書薈要二部其
在

大內者曰

摛藻堂又以古籍遺聞人間未見懼其終就湮

沒特創聚珍版印行綿宇嘉惠來茲

武英殿司之內藏宋遼金元明版舊書難得罕
覩為經籍根柢考證淵源輯為

天祿琳琅書目前後二編

昭仁殿司之又若

歷代帝王名臣圖像尊藏

南薰殿灋戒昭然

聖記

御詩等百世以垂奕禩又若官繪官撰臣工恭進

凡天文地理宮殿名勝之藻績藏於圖房茶
庫均有關官府制度圖史並傳凡此諸目皆
前輯

宮史時所未舉行者允為雲霞彬蔚金石振
聲自有書契至今無能臻斯美備謹推廣前
例按部續編曰

實錄曰

聖訓曰

聖製曰

御製曰

御題曰

鑒藏曰

欽定曰

方畧曰典則曰經學曰史學曰志乘曰字學曰類纂
曰校刊曰石刻曰圖像曰圖刻曰圖繪其梵
文竺典藏之淨境者仍前例弗登焉

書籍一

實錄

太祖高皇帝實錄一部十三卷

太宗文皇帝實錄一部六十八卷

世祖章皇帝實錄一部一百四十七卷

聖祖仁皇帝實錄一部三百零三卷

世宗憲皇帝實錄一部一百五十九卷

臣等謹案宮史前編首登

列聖實錄丕彰

功德之原

開國承家

神謨世守不特焜耀簡冊已也洎乎嘉慶四年四月
皇上命特開史館恭修

高宗純皇帝實錄並

命重繕乾清宮陳設

五朝實錄各一分共計六百九十卷尋於六年五月
繕本告成進呈

御覽敬謹尊藏如例瑤樞寶帙振古常新實億萬
年紹聞繼序之本云

嘉慶五年四月初七日奉

諭旨朕恭聞

高宗純皇帝實錄內載乾隆三年十月欽奉

諭旨

四朝實錄理當畫一今正值重繕

列祖實錄之時應敬將恭加

皇祖尊諡增入

實錄內後世子孫不得援以為例欽此現在補繕乾

清宮陳設

五朝實錄應將上年恭加

皇祖世宗憲皇帝尊諡睿聖二字敬謹增入其餘各

處恭貯

五朝實錄不必更動

八年十二月十七日奉

諭旨嗣後恭進

五朝實錄時敬將

五朝本紀一併進呈

高宗純皇帝實錄一部

一千五百卷

嘉慶四年三月十四日奉

諭旨現在恭纂

高宗純皇帝實錄宜擇潔淨處所敬謹纂辦且在事
承辦大小各員人數衆多更須地方寬敞因思
清字經館朕在藩邸時曾至其地頗為整齊靜
肅所有繕譯經典現已竣事著將該處作為
實錄館並將清字經館後屋四十餘間一併歸入俾
纂辦之地益得寬展其原存經版令該管官酌
量移貯至將來朕出入西華門時在館總裁各
官毋庸照清字經館之例排班站立

八月十八日奉

諭旨本月十九日恭進

實錄朕應跪接是日係往

觀德殿祭奠之期著於辰刻恭進

實錄先奉安於乾清宮東暖閣朕還宮後拈香行禮
十一年十一月十七日奉

諭旨慶桂奏將查明禮部開列會典則例所載雍
正乾隆年間恭逢

實錄儀注進呈內奉安舉案均係侍衛承值尚未允

協現在恭纂

高宗純皇帝實錄卷帙浩繁典禮至重未便僅令侍衛等將事自應奏派貝子公以下宗室官員屆期分司齎捧並派親王郡王貝勒等護衛方足以昭虔恪明年恭送

皇考高宗純皇帝實錄時應如何酌定儀注務臻盡善並交大內接管歸架之處著皇次子儀親王成親王慶郡王會同軍機大臣敬謹妥議具奏

臣等欽惟

高宗純皇帝御寓六十年

訓政三年

深仁厚澤之所彌綸

駿烈豐功之所昭布有非紀載所能殫述者臣等承

命恭纂

實錄仿例攙編凡

硃批紅本記注閣簿科鈔旗冊一事一言靡不竭誠

蒐輯謹自雍正十三年八月二十三日起至

是月末為一卷以後按月釐為二卷閏月如

之嘉慶元年元旦

授寶禮成後敬誌

太上皇帝起居鴻儀併欽奉

勅旨按年酌分二卷至嘉慶四年正月三日

宣誥付遺是為

堯典終篇統全部計之定為一千五百卷成數每纂

成一帙排日上呈

宸覽或間進雙本寒暑不輟仰荷

睿裁詳慎得有稟承今僂時八載全部告成將以

尊藏

金匱垂示萬年遐哉繩契以來未有之

寶書允足以闡

心傳而彰

達孝臣等謹珥筆恭紀允為贊頌無既云

御製

高宗純皇帝實錄序

皇清荷

上天之眷顧龍興遼瀋肇造丕基

太祖

太宗開創鴻業休有烈光

世祖定鼎燕京版圖式廓

聖祖久道化成覃敷厚澤

世宗整綱飭紀立政明倫洪惟我

皇考高宗純皇帝上繼

列聖之

心傳下垂億齡之統緒

聖德

神謨一辭莫贊

臨御六十三年主敬克勤孜孜不倦全始全終有如一
日予小子承古今未遇之

隆恩際國家昇平之盛世大廷

授璽日領

訓言

龍馭上賓攀號曷及爰命儒臣涓吉開館敬謹纂輯
實錄歷八寒暑修成一千五百卷炳炳麟麟猗歟盛
哉綜千古帝王之心法治法道統政統靡不賅

備自有載籍圖書以來未有若斯之盛者也服
膺

庭訓彞測管窺我

皇考之實心實政大端有四焉一曰

敬

天大祀歲歲

躬親

聖壽彌高而精誠益勵康健純常自強不息昭事聿

懷恒久不已軍國重務悉準以

天理至誠感格如響應聲

親製

大雩祝文齋心步禱

駕未還宮甘霖立沛此尤真切著明相通呼吸所由

先

天弗違如形召影本於

欽若之實心也一曰

法

祖

五朝實錄晨興敬觀六十三年周而復始

四莅盛京

珠邱展祀敬觀

先朝服御

迨思水源木本感慕無已恭述

太宗文皇帝戒萬世勿改衣冠勒碑以昭法守於萬

斯年引之勿替爰在

沖齡蒙

聖祖仁皇帝恩眷獨隆有福過於

予之

諭當

世宗憲皇帝大事盡哀盡禮純誠純孝恭侍

孝聖憲皇后承

歡頤慶者四十餘年振

輦則祇奉

慈寧居廬則永言

孺慕篤念本支推

恩悖敘軫開國之親藩復其封號聯宗潢之譜系優

以品秩唐帝之睦族周室之展親何以踰此

法

祖之至誠

仁孝之極則也一曰

勤政萬幾綜攬鉅細

躬親晨興

手披奏牘

召對臣工周詢民隱凡蒞政所悉以勤政

題額無逸書屏

垂示後人敬守

成憲孰敢稍耽晏安有負

慈訓蓋清明在躬氣志如神

法

天行健純一不已六十年之大政皆本於

大聖人主敬克勤奕禩蒙庥永循程式誠勤政之明

效大驗也一曰

愛民君臨九有奉

天治民禮樂政刑獎善懲惡皆所以愛之也自古聖

帝明王未有如我

皇考之肫誠懇切洞悉羣情

軫念雨暘周諮稼穡偏裨告

惠愷邁加不令一夫失所

念藏富於民損上益下為厚生至道

普免漕糧者三錢糧者五蠲免積欠賑恤歉荒億萬

京垓不可數計

省方觀民行慶施惠河防海塘

親臨指示永沐安瀾保全生命

聖德之感孚直至於奕代獲福無量明刑弼教尤於

庶獄

矜慎周詳存辟以止辟刑期無刑寓

仁育於義正之中

好生之德洽於民心淪肌浹髓含生肖翹靡不思慕

聖人愛民之

聖澤至矣盡矣金甌鞏固玉燭長調實基於此也夫

此四端為我

皇考心法治法彰明顯著不待敬述而典章作述酌

古準今

欽定禮器圖式煥然詳備

肇建辟雍復古而不泥古軌物修明極千載一時之

盛焉

經文之德皇哉唐哉

聖製文三集詩五集詩文餘集邕羅萬有陶鑄羣言
評全史以昭懲勸

訂諸經而正異同

欽定四庫全書貯之四閣又頒江浙珍藏合為七閣

迥非二酉三倉所能仰方萬一也舉

制科者再特開

恩榜者七棧樸菁莪登瀛洲列廊廟者英才碩輔接
踵而進焉

壽考作人之推化美矣備矣

緯武之烈巍巍乎蕩蕩乎莫能名焉我朝弧矢開基
武備尤重

聖人天縱曾發二十矢中十九

御神鎗無虛發每歲

行猶木蘭蒙古王公鱗集景從

開誠布澤懷德畏威藹然家人父子和雍親睦皆
至德所感化也頒行紀律整飭戎行成

兩朝未竟之志開拓新疆二萬餘里五年之間平準

噶爾定回部

聖武遠揚兩勲並集田田宅宅同我太平若哈薩克
若布魯特常通朝貢其全部歸順者則有土爾
扈特四十餘萬衆實力撫綏傾心向化兩金川
自作不靖

天戈所指掃穴犁庭若緬甸之悔罪投誠安南之啟
關面內廓爾喀之膏肓輸忱膺至綏綽

上蒼佑啟

聖衷成曠古未有之大武鴻勳至齊倫甘回臺灣林
莊等小醜蠢動咸伏刑章

功溢於十全

化孚於九有皆本於

念昔

先猷不忘肄武是以所向克捷荷

天之恩眷開萬世太平之基

豐功駿烈超越往古盛德大業至矣哉我

皇考本誠敬以事

天抒誠敬以

法

祖用誠敬以

勤政敷誠敬以

愛民故

德福兼隆備五福綜四得

五世同堂

親見七代紀年週甲符

告

天初願晉稱

太上皇帝

授璽藐躬

訓政三年

恩垂億禩敬思

皇考六十三年中之實心實政盡包括於一千五百

卷

實錄卷帙之中我大清億萬斯年子孫臣庶永矢至

誠至敬仰慕

高宗純皇帝之實心實政則長承

昊眷共荷

考慈悠久無疆曷其有極也哉謹序

聖訓

太祖高皇帝聖訓一部 四卷

太宗文皇帝聖訓一部 六卷

世祖章皇帝聖訓一部 六卷

聖祖仁皇帝聖訓一部 六十卷

世宗憲皇帝聖訓一部 三十卷

臣等謹案乾隆初年

高宗純皇帝增製

五朝聖訓序文宣付剞劂頒示萬方茲以嘉慶四年
遵

旨重繕一分計共一百十二卷陳設

乾清宮如例

高宗純皇帝聖訓一部

三百卷

嘉慶四年四月

皇上命恭纂

實錄諸臣併輯分目四十曰聖德曰聖孝曰聖學曰
聖治曰敬天曰法祖曰文教曰武功曰睦族
曰用人曰愛民曰勤政曰求言曰察吏曰理
財曰慎刑曰省方曰治水曰蠲賑曰積貯曰
賞賚曰恤兵曰牧政曰訓臣工曰嚴法紀曰
重農桑曰興禮樂曰廣幅員曰正制度曰篤

勲舊曰褒忠節曰崇祀典曰禮耆年曰靖奸
宄曰厚風俗曰飭宦寺曰綏藩服曰飭邊疆
曰恤臣下曰勵將士書成哀分三百卷謹循
例請

旨刊行

御製

高宗純皇帝聖訓序

古昔聖帝明王經世載道立言牖民二典三謨
殷盤周誥固已包括古今函蓋宙合靡不賅備

矣洪惟我

皇考高宗純皇帝承

五朝之統緒集千聖之大成闡六經之微言

垂億齡之寶訓

聖謨洋洋

文思光被敬集為三百卷分四十門類曰

聖德溯性功也曰

聖孝敦大本也曰

聖學緬稽古也曰

聖治欽敷化也曰

敬

天永念

信

天主人之純一不已也曰

法

祖聿懷

古稀天子之孝思不匱也曰

文教則仰

觀文成化無思不服也曰

武功則述

奮武集勲無遠弗屆也曰

睦族親其親也曰

用人賢其賢也曰

愛民敦本仁由義之大綱也曰

勤政著主敬存誠之極則也曰

求言採芻蕘也曰

察吏辨誠僞也曰

理財節用愛人也曰

慎刑明罰勅法也曰

省方觀民設教也曰

治水宣性導湮也曰

蠲賑救貧窮也曰

積貯備施貸也曰

賞賚酬勲勞也曰

恤兵憫奔走也曰

牧政肅郵傳也曰

國朝典章
訓臣工勅綱常也曰

嚴法紀申律令之則也曰

重農桑裕衣食之原也曰

興禮樂隆制作於億兆年後也曰

廣幅員闢疆域於二萬里外也曰

正制度示準繩勿踰也曰

篤勲舊勉子孫勿替也曰

褒忠節勵羣倫也曰

崇祀典答

眷佑也曰

禮者年兩開千叟之筵也曰

靖奸宄丕昭十全之績也曰

厚風俗去奢從儉也曰

飭宦寺防微杜漸也曰

綏藩服則厚往薄來輸誠嚮化也曰

飭邊疆則赫聲濯靈畏威懷德也曰

恤臣下砥廉隅也曰

勵將士明賞罰也此皆我

皇考六十三年實心所行之實政也載在實錄人弗易見用是敬頌

聖訓俾薄海臣庶拜手同觀祇奉

恩綸長聆

慈誨遠超典謨之篇聿立

總功言之極巍乎煥乎美矣備矣予小子管窺蠡測

奚能摹擬萬一哉仰惟

訓政三年日依

膝下親聆

誨諭銘感五中敢不以

心為心以

政為政庶酬

高厚之恩期副

教訓之願奕葉雲礽同予此志自求多福永荷
考眷於無涯矣夫謹序

國朝宮史續編卷之七十六

書籍二

聖製

臣等謹案

列聖御集備載

宮史前編欽惟

高宗純皇帝勤

九旬之耄學集羣聖之大成六十三年中炳耀

天章綜賅成數具詳於

聖製鑑始齋詩識語暨

皇上恭誌跋文伏攷前編已登

聖製文初集詩二集之目而臣工籲饒

文初集實以乾隆二十八年癸未告成茲續輯

宮史起於二十七年壬午仍敬列

文初集為冠首用誌歲增月益簡帙大全次臚

詩集以符體例而徵美富焉

高宗純皇帝聖製文初集一部

三十卷
詳前編

高宗純皇帝聖製文二集一部

四十卷
四卷

乾隆二十九年甲申至五十年乙巳

聖製文四百一十一篇大學士

臣

梁國治等恭請分

類編次繕校敬刊內經筵論二卷論二卷說
二卷附解一首諭三卷記六卷序二卷附後
序一首題辭一卷按語識語書後一卷跋一
卷考三卷辨二卷碑文五卷書事三卷雜著
三卷頌一卷賦一卷附銘四首硯銘二卷贊
四卷

高宗純皇帝聖製文三集一部

十六卷

乾隆五十一年丙午至六十年乙卯

聖製文一百二十六篇尚書臣沈初等恭請分類編

次繕校敬刊內經筵論一卷論二卷附說四

首說一卷諭一卷詔訓一卷記二卷序一卷

題辭識語書後跋一卷辨碑文一卷書事二

卷雜著一卷硯銘一卷附贊二首贊一卷

高宗純皇帝聖製詩初集一部四十四卷
詳前編

高宗純皇帝聖製詩二集一部九十卷
詳前編

高宗純皇帝聖製詩三集一部一百卷

乾隆二五年庚辰至三十六年辛卯

聖製詩一萬一千五百一十首有奇協辦大學士尚

書臣于敏中等恭請繕錄校刊

高宗純皇帝聖製詩四集一部

卷一百

乾隆三十七年壬辰至四十八年癸卯

聖製詩九千九百首有奇協辦大學士尚書臣梁國

治等恭請繕錄校刊

高宗純皇帝聖製詩五集一部

卷一百

乾隆四十九年甲辰至六十年乙卯

聖製詩七十七百二十首有奇大學士臣王杰等恭

請繕錄校刊

高宗純皇帝聖製詩文餘集一部

二十卷

嘉慶五年

皇上敬承

先志恭輯

高宗純皇帝聖製詩文自丙辰環甲至己未春正凡

詩七百五十首為二十卷文三十六首為二

卷內詔諭記序一卷識語雜著一卷

特命尚書

臣

彭元瑞侍郎

臣

戴衢亨繕錄校刊

聖製觀歷年詩集即事

丙辰

五集詩成四萬多

自乾隆元年丙辰以後所作諸詩每十二年編次為一集茲六旬年

滿大得五集凡

聖

廟祭祀用人行政者方

問俗心暢雨塵念農桑五

幾暇辦訂經史子集

閣

發儒先與義或遊覽所至或

一石一物無美不

覺已成四萬二千餘首作皆有為壯即應珍多今雖

投賢子皇帝應娛老罷詠而訓政勅幾未敢自耽逸

詩每闕幾防之大及課量情雨涉筆成吟猶不能自

已每慙杜老有前哦

賦詩何必多

既為太上吟應簡

也

杜甫句也

可奈隨時

隨時景光

景若何詎以倦勤耽靜寂仍

因訓政勵研摩消閒唐宋觀惇史授受其間似此麼

蘇武句也

書指二

聖製

四

聖製鑑始齋題句

戊午

五集篇成四萬奇

請作有餘之奇

自嫌點筆過多詞然非弄月

吟風爾惟是書心信手斯白傅陸監較過

平聲彼李狂

杜苦亦殊其却思此後應簡作謾使人評溺詩

余十二歲時蒙

皇祖賜居萬壑松風之側因名之曰鑑始齋自沖齡

佔畢至今八旬有八仰沐

昊慈

祖佑精神康健訓政如常寶從古帝王未有之事因

憶予少時即喜作詩不屑為風雲月露之詞自御
極以來雖不欲以此矜長然於問政勅幾一切民
瘼國是之大者往往見之於詩計丙辰至丁卯編
為初集得詩四千一百六十六首戊辰至己卯編
為二集得詩八千四百八十四首庚辰至辛卯編
為三集得詩一萬一千五百十九首壬辰至癸卯
編為四集得詩九千九百二首甲辰至乙卯編為
五集得詩七千七百二十九首計五集共四萬一
千八百首亦云富矣古之詩人年高而詩多者在

唐為白居易在宋為陸游居易以太和開成編年
分四集為卷僅二百有二為篇僅千有五十六陸
游之詩初編祇四十卷再編通前祇八十五卷本
朝輯全唐詩一代三百年二百餘人之作纔
得四萬八千九百餘首今予詩五集釐為四百三
十四卷總計四萬一千八百首而樂善堂全集在
潛邸時所著者尚不在此數是予以望九之年所
積篇什幾與全唐一代詩人篇什相埒可不謂藝
林佳話乎然予初非以韻語一事與文人學士絮

量多寡也夫詩以言志言為心聲非僅飾章繪句
如詞人東塗西抹之為且為人君者若專以吟詠
為能亦即溺情之一端自古有戒予昌肯出此實
因予臨御六十餘年中間大功屢集鴻儀疊舉兼
以予關心民事課雨量晴占年省歲數十載如一
日而閱事既多析理尤審即尋常題詠亦必因文
見道非率爾操觚者比乃質言非虛語也今春秋
八十有八自丙辰授璽以來猶日訓子皇帝政自
維毫髮之年吟什原應從減擬將每年依例之作

量為簡省而事之有關大體者仍不能不涉筆成章以昭紀實計丙辰至今又閱三年復得詩數百首此後應於五集外另編餘集若更叨

洪眈算衍期頤復得哀然成帙滙為別集鉅觀豈不更為史冊希有之隆軌乎偶題鑑始齋迴溯髫齡以至今日即詩集之多亦皆

眷貽之厚爰綜其全數並抒夙志附識於此

皇上御製跋併銘

洪惟我

皇考御極以來勤政之暇每以詩文紀事鉅細畢該
天人理貫誠圖治之權衡臨民之準則也自乾
隆元年丙辰至六十年乙卯

詩成五集共得詩四萬一千八百首

文成三集共得文一千三百五十五篇富有美備不
可殫書滿望

壽越期頤長瞻

天藻與日月同輝昭垂不朽願未能遂痛莫能伸今

夏宮中守制敬於幾暇校閱黃綾

詩文本計自後丙辰至戊午三年中併己未正月復得

詩七百五十首

文三十六首謹編成餘集命尚書彭元瑞侍郎戴衢亨敬司其事顧餘集之名非予小子所敢臆造
恭檢戊午避暑山莊鑑始齋

御製詩附識內云計丙辰至今又閱三年復得詩數百首此後應於五集外另編餘集煌煌

聖諭敢弗敬承餘集中諸作

訓政居十之七八不倦於勤孜孜以

誨予小子為先務方期日聆

庭訓永侍

慈顏得所遵循免致失措况近年邪民弗靖塗炭

黎

示以行軍勝算勉力籌幾雖逆首連伏憲章餘孽未
能盡淨己未正月二日

力疾成望捷之詩孰意此章竟為絕筆嗚呼痛哉天

下臣民讀

殘赤不勝我之句亦可知予

皇考愛民之一念直流傳於億萬禩亦可知予承
皇考之訓誨除邪安民之苦心實出於萬不得已也

集既成敬跋於末頁系以銘曰

文以傳心

詩以言志日月麗天江河行地六十四年

實心實事萬有畢該衆理咸備

法

祖

敬

天臨民圖治文德武功良猷會萃顧予親躬欽哉後
嗣若凜淵冰持盈恐墜憶昔承

歡膝下日侍捧

爵依筵隨

鑒攬轡莫覩

慈容昕朝揮淚倏過小祥邪氛猶熾

望捷未酬憂懼叢積願

鑒寸忱速昭

靈異

佑子佑民

遺謨早遂庚申孟秋拜手敬誌

國朝宮續編卷之七十七

書籍三

御製

臣等欽惟我

朝作述立隆

世宗憲皇帝有

雍邸集之鉅製

高宗純皇帝有

樂善堂全集之成編允乎聲振開先懋昭

帝廷家學於億禩我

皇上紹衣立言契

詩教治原為一貫自乾隆壬辰至乙卯曾為

味餘書室全集自嘉慶丙辰至癸亥繼為

御製詩初集而自丙辰至乙丑則

御製文初集鏤刻觀成海內快先睹焉自茲

宸藻日新垂敷政敷言之極則實權輿於是謹恭

錄

序文題什暨所奉

諭旨以發明緣起云

味餘書室全集定本一部

四十卷

皇上青宮典學時所著詩文彙為

味餘書室全集嘉慶五年大學士

臣

慶桂等恭請

繕校得

旨俞允復

親加刪訂勒為定本六年刊刻成書內古今體詩

三十四卷古文六卷附

味餘書室隨筆二卷

御製序

文以載道詩以言志幼而習長而行安身立命之處必應以經書為標準我

朝龍興遼瀋國語騎射誠為最要根本固應億萬禩故承勿懈然為海寓之主亦不能不以文治化成天下故天家子弟六齡即入尚書房從師受業陶冶性情涵濡德義日親宿儒克勤力學雖才質有不同聰鈍有互異而化其驕泰之性使知孝弟之方悟經書之奧功非淺鮮矣視彼

前朝太子偶一出閣講學片時者奚啻天壤之
分哉予悟性遲鈍乙酉年入學從覺羅奉碩亭
先生讀書至壬辰年而五經粗畢從謝東墅先
生學今體詩至丙申年始從朱石君先生學古
文併古體詩直至今日時於幾暇仍相商酌討
論書寫景況宛然如昨也內廷諸大臣合詞陳
請予在潛邸所著詩文全行發出刊布再三却
之不可因敬思

皇考御極初年曾

允廷臣請刊刻樂善堂全集

頌行海內何敢比擬萬一然舊稿中恭和

御製諸篇皆經

皇考閱定此內甲辰年恭和

遊龍井詩中

泉雷忽疑雨竹春不知秋十字係

皇考丹毫改定之句此成親王慶郡王所目睹者若

不發刻何以誌趨

庭盛事他如詞義淺陋無關治道諸作概刪去弗錄

共計古今體詩三十四卷約計三千二百餘首
文六卷計百餘篇附隨筆五十二則皆書室之
課程併隨

鑒記事諸作觀者可知我

皇考當日

眷予之深恩淪浹無涯實非筆墨所能形述至於雕
琢字句刻畫精工予素不屑為此茲允廷臣繕
刻之意在宣揚

慈父渥澤為萬世子孫效法豈欲與文人學士爭長

也哉至味餘之義已見原序故不複言是為序

御製原序

詩為心聲文為行輔古人學文者集浩如淵海
予六歲入學習經書十三學詩十七屬文書寫
朝夕行帳寒暑幸無間斷若今體格律初從學
於東塾師傅古體詩及古文從石君師傅習焉
予賦性魯鈍賴二先生切磋琢磨之功十有餘
年畧開茅塞自丙申訖癸卯為文八十餘篇自
壬辰訖癸卯為詩二千八百餘首如

欽命和韻恭紀

聖德諸篇皆鋪陳揚厲言太平

禁城

御園書帷課藝諸作皆陶詠情性抒寫古意塞外
南苑皆隨時即景遇境成言

盛京諸篇皆歌詠舊風欽述

祖德今歲杪石君先生自福建學使任滿回書房謂
予曰夫詩文者持一藝耳身心倫物之間天人
義利之辨若習焉而不察即蔓發乎詩文求其

擇精而語詳不易得矣乃從予稿本中刪其繁
冗去其重複擇論三十餘篇詩五百餘首復加
鈔錄計成十二卷予曷敢以詩文自鳴然好之
習之爰就所刪擇定本而為序於前以紀歲月

御題詩 丁巳

書帷舊稿偶觀披過半風雲月露詞遣興陶情
全付彼立言紀實始基茲涵濡筆彩墨華潤疏
滌文瀾性海滋游藝詩林期正大樞機卷放繫
深恩

嘉慶五年六月十六日奉

諭旨軍機大臣南書房翰林等奏請將朕在藩邸時所製味餘書室詩文全集刊刻頒行一摺從前

皇考御極初年曾允大臣所請刊刻

聖製樂善堂詩文集頒行海內

奎章炳煥萬古常新朕自維典學之功實覺淺陋焉
敢仰希

皇考但諸臣等既有此奏懇請甚殷朕於幾暇亦曾

檢閱曩時所作詩文將冲年稿本量為刪去自
乾隆丙辰年以後從朱珪習詩文朝夕講求篇
章漸夥復經親為檢定其中尚有可存之作但
遽付棗梨恐字句間不無應行斟酌之處著將
朕檢存壬辰至乙卯年味餘書室詩文仍交朱
珪詳細勘訂如有應酌之處粘簽陸續進呈俟
朕閱定再發交繕刻

御製詩初集一部

四十卷

皇上幾餘懋學凡所

施行紀以吟詠自嘉慶元年丙辰至八年癸亥
御製古今體詩三千三百八十首有奇大學士

臣

慶桂等恭請繕錄校刊

嘉慶八年正月十六日奉

諭旨慶桂等奏懇請彙刻御製詩初集頒示中外
一摺朕萬幾餘暇偶事摘毫本不欲與文士逞
藻矜奇傳播藝苑但自元年受璽日侍

皇考訓政凡釐網剔紀決勝籌幾諸大端無不寅承
指示見諸施行往往紀以吟詠迨四年後夙夜孜

攷亦惟以軍務民生雨暘水旱為念篇章所積
大率紀捷勤民之什居十之八九其泛覽留題
者絕少朕素不喜風雲月露之詞亦不欲以此
擅場敬思

皇考高宗純皇帝學集大成

奎章富有每十二年為一集編至五集尚有餘集實
為古來詩人所未有朕游藝篇章曷敢上同

聖製意欲以八年為一集今既據內廷臣工合詞奏
懇稟頒著照所請交慶桂等將元年至八年御

製詩編為初集繕校聚刻

御製文初集一部 十卷

嘉慶元年丙辰至十年乙丑

御製文六十篇大學士 臣慶桂等恭請分類編次

繕校敬刊內經筵論臨雍論一卷頌一卷碑

文一卷碑記記一卷序一卷跋一卷論二卷

書事一卷說箴銘雜著一卷

御製序

內廷大學士慶桂等排次自丙辰年所著各體

文奏請刊刻併乞製序予素不能文在潛邸時
書窗日課不過發抒經義詠懷古史已摘錄於
味餘書室全集內矣自丙辰受璽以來親臨庶
政日不暇給實無遑游情翰墨十年中僅成六
十餘篇本欲不允所請然此六十餘篇如經筵
諸論則探尋聖賢興旨之精微

南郊

北郊二記則敬述緝熙凝命之根本盛京頌松山杏
山書事文則恭紀

祖功

宗德之實蹟勤政殿記勛諸臣日凜敬共邪教說期
庶民皆趨正道名雖文集實皆在政勤民之極
則豈研京鍊都騁妍抽秘與文人學士爭長也
哉是予允刊刻之意在此而不在彼觀予文者
各思勤敬之大本圖治之至要庶有裨於人心
世道耳是為序